

## BESTELAKO XEDAPENAK

### OSASUN SAILA

## 3616

*AGINDUA, 2014ko uztailaren 29koa, Osasuneko sailburuarena, 2014. urtean hastekoak diren osasunaren alorreko ikerketa-proiektuak gauzatzeko laguntzetarako deialdia egiten duena.*

Osasun Sailaren eskumenetako bat da osasun-zientzien alorrean ikerketa-jarduerak sustatzea eta planifikatzea, Euskadiko osasun-sistema etengabe garatu eta hobetzeko funtsezko elementua baita hori.

Apirilaren 25eko 14/1986 Legeak, Osasunari buruzkoak, ekainaren 26ko 8/1997 Legeak, Euskadiko Antolamendu Sanitarioari buruzkoak, uztailaren 3ko 14/2007 Legeak, Ikerketa Biomedikoari buruzkoak eta ekainaren 1eko 14/2011 Legeak, Zientziari, Teknologiarri eta Berrikuntzari buruzkoak, ikerketa sanitarioa sustatzeko erreferentzia-esparru bateratu bat eskaintzen dute, eta horrek era eraginkorragoan funtzionatzeko baldintzak ezartzen dituzte.

Osasun Sailak, Ikerketa eta Berrikuntza Sanitarioiko Zuzendaritzaren bidez, ikerketa sustatzea eta ikerketa sanitarioaren esparruan sartzen diren nodo profesional berriak bilatzea du helburu; horretarako, ikerketa-proiektuak finantzatzen ditu, eta Osasun Saileko langile ikertzaileek Europako eta estatuko diru-laguntza publikoek lagundutako ikerketa-proiektuetan parte hartzen dute.

Agindu honetan araututako jardueren xedea da herritarren osasuna eta ongizatea sustatzea, eta, horretarako, gaixotasunen prebentzioa, diagnosis eta/edo tratamendua hobetzera bideratutako jakintza sortzen, zabaltzen eta/edo aplikatzen laguntzen du, bai eta osasun publikoa sustatzen eta osasun-zerbitzuak hobetzen ere.

Deialdi honen lehentasunezko arloak Osasun Sailak legealdi honetarako ezarritako estrategia-aren, Osakidetza-aren ildo estrategikoen eta 2013-2020rako Euskadiko Osasun Planaren esparruan sartzen dira –azken hori EAEko osasun-arloko jarduera publikoak bateratzen dituen tresna da–. Horiek guztiek sustatzen dituzte ikerketa eta berrikuntza, osasuna hobetzeko eta osasun-sistemaren kalitatea eta eraginkortasuna areagotzeko bide den jakintza sortzen duten heinean. Honakoei buruzko ikerketa sustatzen da: prozesu patologikoen arrazoiei eta horien prebentzioari, detekzioari eta tratamenduari buruzkoa, medikuntza pertsonalizatua edo zehatzaren moduko paradigmak barne, bai eta teknologia berriak garatzeari eta aplikatzeari buruzkoa ere, ikuspegi traslazonal batetik, ikerketako emaitzak gaixoengan bizkor aplikatu ahal izateko. Osasuna hobetzeko helburuaren baitan sartzen da zerbitzu sanitarioetako ikerketa eta osasun-alorrean egiten diren esku-hartzeen eraginkortasunaren ebaluazioa, eta kontuan hartzen ditu interes sozial eta sanitario handia duten gaixotasunak, bai eta erikortasun anitzak eta prozesu kronikoek sorrarazitako gaixotasun-karga ere.

Horregatik guztiagatik, abenduaren 17ko 698/1991 Dekretua, Euskal Autonomia Erkidegoaren Aurrekontu Orokorraren kargurako diru-laguntzen bermeen eta itzulketaren sistema orokorra arautzen duena, eta azaroaren 11ko 1/1997 Legegintzako Dekretua, Euskadiko Ogasun Nagusiaren Antolarauei buruzko Legearen Testu Bategina onartzen duena (1998ko urtarrilaren 19ko Euskal Herriko Agintaritzaren Aldizkaria) aintzat hartuta, honako hau

## EBAZTEN DUT:

## 1. artikulua.– Xedea.

Agindu honen xedea da 2014. urtean garatzen hasten diren ikerketa sanitarioko proiektuetarako laguntza ekonomikoen deialdia eta horiek emateko modua arautzea, betiere objektibotasun-, nor-gehiagoka- eta publikotasun-printzipioei jarraikiz.

## 2. artikulua.– Diruz lagundu daitezkeen proiektuak.

1.– Ikerketa-proiektuak ikerketa biomedikoaren edo osasun-alorreko eta osasun-zerbitzuetako teknologiaren ingurukoak izan daitezke, esku-hartzeen eraginkortasunaren ebaluazioa barne.

Deialdi honen ondorioetarako, ikerketa biomedikotzat jotzen da osasun publikoko oinarrizko ikerketa, ikerketa klinikoa eta epidemiologikoa, eta, oro har, giza osasunari buruzko ikerketa traslazionale, bai eta behar den garapen teknologikoa ere, osasuna hobeki sustatzeko eta gaixotasunen prebentzioa, diagnostikoa, jarraipena, monitorizazioa eta tratamendua hobetzeko.

Osasunerako eta osasun-zerbitzuetarako teknologien gaineko ikerketaren xedea da jarduera klinikoa, kalitatea eta pazientearen segurtasuna hobetzea, bai eta esku-hartzeen eraginkortasuna ere, bereziki ebaluazioaren alorreko ikerketaren bidez. Osasun-teknologiatzat eta osasun-zerbitzuetzat jotzen dira norbanakoen edo kolektiboen osasun-beharrak asetzeko erabiltzen diren baliabidea guztiak, hala nola, medikamentuak, mediku-ekipamenduak, -gailuak eta -prozedurak, antolaketa-ereduak eta laguntza-sistemak.

2.– Laguntzak eskatzen dituzten proiektuek ikertzaile nagusi bakarra izango dute, eta berak izango du proiektuaren gauzatze zientifiko-teknikoaren gaineko ardura.

3.– Aurkeztutako ikerketa-proiektuek Helsinkiko Adierazpenean ezarritako oinarrizko printzipioak eta ikerketa medikoaren arloan indarrean dagoen legediak ezarritako baldintzak errespetatu beharko dituzte.

## 3. artikulua.– Onuradunak.

1.– Deialdi honetan jasotako laguntzen onuradun izan ahalko dute Euskal Autonomia Erkidegoan kokatutako I+G-ko zentro publiko eta pribatu guztiek. Zehapen administratibo edo penala izateagatik diru-laguntzak eta laguntza publikoak jasotzeko aukera galdu duten zentroek ezin izango dute eskuratu deialdi honetako laguntzak jasotako zigorrak ezarritako aldian. Era berean, ez dute eskuraterik izango horretarako ezgaitzen dituen debeku legalen bat dutenek.

Ondorio horietarako, I+G-ko zentro publikoa/pribatua diogunean zera ulertuko dugu:

a) I+G-ko zentro publikoa: entitate eta erakunde sanitario publikoak, unibertsitate publikoak, onartutako ikerketa-erakunde publikoak eta, oro har, herri-administrazioaren menpe dagoen I+G-ko edozein zentro.

b) I+G-ko zentro pribatua: entitate eta erakunde sanitario pribatuak, unibertsitate eta bestelako erakunde pribatuak, izaera juridiko propiodunak, eta I+G ekintzetan egiaztatutako gaitasuna edo jarduera dutenak.

2.– Eskaerak aurkezteko unean, zentro eskatzaileek zerga-betebeharrak egunean beteta edo horietatik salbuetsita egon beharko dute. Ikerketa eta Berrikuntza Sanitarioko Zuzendaritzak ofizioz egiaztatuko du baldintza hori betetzen dela, betiere Euskadiko Ogasun Nagusiaren Antolarauei

buruzko 1/1997 Legearen Testu Bateginaren 50.3. artikuluan xedatukoari jarraituz (azaroaren 11ko 1/1997 Legegintzako Dekretuaren bidez onartu zen testu bategin hori).

3.– Erakunde onuradunek ezaugarri bereko beste laguntza edo diru-laguntza batzuk jaso badituzte Euskal Autonomia Erkidegoko Administrazio Orokorren edo haren erakunde autonomoen eskutik, eta laguntza horien inguruko itzulera- edo zigor-prozesuren bat izapidetzen ari bada, prozesu horrek amaituta egon behar du erakunde horiei diru-laguntza hau esleitzeko edo esleitura dutenei dagokiena ordaintzeko. Zentro eskatzaileei 3.2. artikuluan exijitutako baldintza exijituko zaie erakunde onuradunei diru-laguntza indarrean dagoen bitartean.

4. artikulua.– Diru-laguntzak emateko prozedura.

Adierazitako laguntzak lehiaketa bidez emango dira. Laguntzak emateko, eskabideak alde-ratu egingo dira, euren artean lehentasuna ezartzeko. Lehentasuna 12. artikuluan ezarritako balioespen-irizpideei jarraituz ezarriko da, eta laguntzak emango dira harik eta deialdian esleitu-tako kredituak agortu arte.

5. artikulua.– Baliabide ekonomikoak.

1.– Deialdi hau finantzatzera bideratutako baliabide ekonomikoen zenbateko osoa 974.343 eurokoa da. Baliabide ekonomiko horiek Euskadiko Autonomia Erkidegoko Aurrekontu Orokorre-tan horrexetarako ezarri diren aurrekontu-kredituetatik datoz.

2.– Artikulu honetan adierazitako zenbatekoa handiagotu egin ahal izango da, eskatutako lagun-tzen zenbateko osoa kontuan hartuta, Osasun Sailaren beste programa batzuk gauzatu ostean agortu gabe geratu diren aurrekontu-zuzkiduren arabera, indarrean dagoen legediak kreditu-lotu-rarako edo aurrekontuak aldatzeko ezarritako araubideari jarraiki, eta laguntzak emateko hasiko den prozeduraren ebazpena eman baino lehen. Egoera hori gertatzen bada, horren berri emango da EHHAn Osasun sailburuordearen ebazpen baten bidez.

3.– Bereziki aintzat hartuko dira ikerketa-talde hasiberriek garatutako proiektuak, betiere 12. artikuluan eskatzen den gutxieneko puntuazioa lortzen badute. Talde bat hasiberrizat joko da, bal-din eta proiektu batean halako ardura-mailarekin inoiz aritu ez den ikertzaile nagusi bat badu eta ikertzaileen taldean esperientzia egiaztatua dutenak % 20 baino gutxiago badira. Halako proiektuak finantzatzeko, deialdi honetako baliabide ekonomiko guztien % 10 erabiliko da, gutxienez.

6. artikulua.– Diru-laguntzak jaso ditzaketan proiektuek bete beharreko baldintzak.

1.– Laguntzak jaso ahal izateko, ikerketa-proiektuek diziplina eta zentro anitzekoak behar dute izan. Proiektu bat zentro anitzekoa izateko, gutxienez Euskal Autonomia Erkidegoko bi osasun-zen-trok hartu behar dute parte, bai eta gutxienez zentro bakoitzeko bi ikertzaile ere. Salbuespen gisa, eta ikertu beharreko eremuaren espezifikotasuna dela eta osasun-zentro ikertzaile nahikorik ez badago zentro-aniztasunaren baldintza betetzeko, baldintza hori betetzetik salbuetsiko dira.

2.– Urte bat eta hiru urte arteko denbora-tartean gauzatu ahal izango dira ikerketa-proiektuak.

3.– Proiektua gauzatzeko epea, bestalde, laguntzak emateko ebazpena EHAAAn argitaratu eta hurrengo egunean hasiko da zenbatzen.

7. artikulua.– Ikerketa-taldearen eskakizunak.

1.– Ikertzaile nagusiak ondoko baldintza hauek bete beharko ditu:

a) Eskaera egin duen I+G-ko zentro publiko edo pribatuarekin edo proiektua gauzatuko duen zentroarekin funtzionario-, estatutu- edo kontratu-lotura gauzatua izatea, gutxienez eskabi-

dea aurkeztu den unetik emakida-ebazpena eman arteko aldian. Ikerketa sanitarioko institutuei dagokienean, ikertzaile nagusiak horretarako izenpetutako elkartzeko-hitzarmenaren arabera institutua eratzen duten erakundeetako edozeinekin eduki ahalko du funtzionario-, estatutu- edo kontratu-lotura, otsailaren 27ko 339/2004 Errege Dekretuaren, ikerketa sanitarioko institutuak egiaztatzeari buruzkoaren, 3. artikuluan xedatutakoarekin bat.

b) Osasun-prestakuntza espezializatuko programarik egiten ez aritzea.

c) Ikertzaile nagusiek ezin eduki izango dute, deialdi honi buruzko ebazpena emateko unean, osasunaren alorrean eskumena duen Gobernuaren sailaren deialdien bidez finantzatutako proiekturik abian, emakida-ebazpenaren arabera 2014ko abenduaren 31 baino beranduago bukatzen denik.

d) Proiektu koordinatuetan, azpiproiektuetako ikertzaile nagusietako batek jardungo du koordinatzaile-lanetan. Azpiproiektu bakoitzaren ikertzaile nagusia horren erantzule izango da ondorio guztietarako, proiektuaren koordinazio zientifikoari eta jarraipenari dagokionean izan ezik, koordinatzailea arduratuko baita alderdi horiez.

2.– Ikertzaile-taldeko gainerako kideek:

a) Gehienez ere deialdi honetako bi proiektutan parte hartu ahal izango dute.

b) Ezingo dute aldi berean parte hartu osasunaren alorrean eskumena duen Gobernuaren sailak finantzatutako bi ikerketa-proiektutan baino gehiagotan, ezta proiektuok deialdi desberdinetan finantzatutakoak izanda ere.

c) Ondorio horietarako, ez dira ikertzaile-taldeko kideetat hartuko ikerketan laguntzeko unitate batekoak izanda aholkularitzako zereginak bakarrik egiten dituztenak.

Artikulu honetan jasotako baldintzaren bat bete ezean, eskatutako laguntza ezetsita geratuko da.

8. artikulua.– Diruz lagundu daitezkeen gastuak.

1.– Egoera bakoitzean ematen den laguntzaren bidez, ondoren adierazten diren gastuak ordainduko dira. Gastu horiek guztiek zuzeneko lotura izan behar dute proiektua gauzatzearekin, eta alde zehaztuta egon behar dute eskabidearen memorian.

Puntu bakoitzean adierazten diren zenbatekoak deialdiaren bidez finantzatutako gehienezko zenbatekoak dira, eta bateragarriak dira xede bererako lor daitezkeen beste diru-laguntza batzuekin.

2.– Langile-gastuak. Teknikariak kontratatzea. Proiektua gauzatzeko beharrezko diren langileak. Kontratazioaren unean, ezin izango dute eduki funtzionario-, estatutu- edo lan-loturarik zentro onuradunekin edo proiektua gauzatuko duten zentroekin.

Langileak hautatzerakoan, publikotasun-, norgehiagoka- eta lehiaketa-printzipioak beteko dira.

Kontrataziorako gehieneko zenbatekoak honako hauek izango dira: urtean 40.000 euro, kontratua doktorea bada; urtean 33.000 euro, goi-mailako tituluduna bada; 26.000 euro, erdi-mailako tituluduna bada; eta 21.000 euro, Lanbide Heziketako teknikaria bada.

Urteko lanaldia 1.600 ordukoa izango da. Proiektuan aritzeko lanaldia laburragoa izanez gero, ordaindu beharreko kopurua lanaldi horren arabera kalkulatu da, proportzioan.

Atal honetan, halaber, ikertzaileak ordeztzeko aukera sartzen da; izan ere, proiektu bakoitzean, ikertzaile baten lanaldiaren % 20 ordezteko onartuko da, gehienez. Proiektu batean deialdiak finantzatutako lanaldia baino dedikazio handiagoa egin behar badute ikertzaileek, zentro onuradunaren edo proiektua gauzatzeko duen zentroaren kontura izango da.

3.– Ondasunak eskuratzeko eta zerbitzuak kontratatzekeo gastuak; horien barruan honako hauek sartuko dira:

a) Material inbentariagarria, proiektua egiteko erabili dena. Kontzeptu horregatik ordaindu beharreko zenbatekoa ez da urteko 30.000 eurotik gorakoa izango. Espresuki kanpoan uzten dira altzariak eta instalazioak, baita kudeaketarako ekipamendu informatikoak erostea ere.

b) Material suntsigarria eta gainerako gastu osagarriak. Proiektua gauzatzeko beharrezkoa den heinean eta behar bezala justifikatzen bada, ez da mugarik egongo material suntsigarria erosteko kontu-sailean. Material bibliografikoa ere sartzen da atal honetan.

Bulegoko material orokorra ez da diruz lagunduko (fotokopiak, tonerra, telefono-gastuak, eta abar).

c) Proiektua garatzeko kanpoko zerbitzuak kontratatzea aurreikusita egonez gero, eskaeraren memorian aipatu beharko da, honako hauek zehaztuta: zerbitzuaren nolakotasuna, zein erakunde kontratatuko den eta kontratuaren kostua.

4.– Beste zenbait gastu, hala nola, bidaiak, landa-lanak eragindako joan-etorriak, koordinaio-bilerak eta abar; betiere, proiektuarekin zuzenean lotuta badaude. Era berean, honako hauek sartuko dira atal honetan: ikertzaile-taldeko kideek bilera zientifikoetara joateko sortutako gastuak eta ikerketaren emaitzak zabaltzeko bestelako jarduerak (adibidez, artikuluak argitaratzea). Kontzeptu horiengatik 2.000 euroko gastua finantzatuko da gehienez.

5.– Agindu honen babespean ematen diren laguntzak bateragarriak izango dira helburu bererako erdietsi litekeen beste edozein motatako laguntza edo diru-laguntzarekin, baldin eta gainfinantzaketarik ez badago. Halakorik gertatuz gero, emandako diru-laguntza dagokion gehieneko mugaraino murriztuko da.

6.– Ikertzaile-taldeko kideek –prestakuntza sanitario espezializatuan dauden lizentziatuek barne– ez dute inolako ordainsaririk jasoko proiektuaren kontura.

7.– Proiektua amaitu ondoren, emandako laguntzen kontura erositako material inbentariagarria eta bibliografikoa proiektua gauzatu duen zentroarentzat izango da, eta ikerketa-jardueretarako erabiliko da nagusiki.

9. artikulua.– Eskabideak aurkezteko epea eta lekua.

1.– Eskabideak egiteko, Osasun Sailaren aplikazio informatikoa erabili ahal izango da, edo paper-formatuan aurkeztu.

2.– Eskabidea bide elektronikoz izapidetzeko, honako egoitza elektronikoa hauetara jo behar da:

Gaztelaniaz:

[http://www.osakidetza.euskadi.net/r85-pkproc01/es/contenidos/ayuda\\_subvencion/proyectos\\_investigacion\\_2014/es\\_def/index.shtml](http://www.osakidetza.euskadi.net/r85-pkproc01/es/contenidos/ayuda_subvencion/proyectos_investigacion_2014/es_def/index.shtml)

Euskaraz:

[http://www.osakidetza.euskadi.net/r85-pkproc01/eu/contenidos/ayuda\\_subvencion/proyectos\\_investigacion\\_2014/eu\\_def/index.shtml](http://www.osakidetza.euskadi.net/r85-pkproc01/eu/contenidos/ayuda_subvencion/proyectos_investigacion_2014/eu_def/index.shtml)

3.– Paper-formatuko eskabideak agindu honen II. eranskinean ageri den inprimaki normalizatuaren bidez gauzatuko dira, eta proiektuaren ikertzaile nagusiak eta zentro eskatzailearen legezko ordezkariak sinatuko dituzte. Era berean, probaldian dauden ikertzaile-taldeko gainerako kideek ere sinatu beharko dituzte, parte hartzea onartzen dutela adierazteko.

4.– Eskabideak Osasun Saileko Ikerketa eta Berrikuntza Sanitarioko zuzendariari bidali behar zaizkio (Donostia kalea, 1, 01010 Gasteiz); era berean, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 38.4. artikuluan ezarritako gainerako moduetan ere aurkez daitezke.

5.– Laguntzak eskatzeko epea hilabetekoa izango da, agindu hau Euskal Herriko Agintaritzaren Aldizkarian argitaratu eta biharamunetik hasita.

6.– Zentroek eurek hautatzen duten hizkuntza ofizialean aurkeztu ahal izango dute eskabidea nahiz harekin batera aurkeztu beharreko dokumentazioa. Halaber, eskabidearen ondoriozko jarduera guztietan, eta prozedura osoan zehar, zentro eskatzaileak hautatu duen hizkuntza erabiliko da, Euskararen Erabilera arautzen duen azaroaren 24ko 10/1982 Oinarrizko Legearen 5.2.a) eta 6.1 artikuluetan ezarritakoa betez.

10. artikulua.– Eskabideak. Eskabide-inprimakiarekin batera aurkeztu beharreko agiriak.

1.– Eskabidearekin batera, honako hauek ere aurkeztu behar dira:

a) Ikerketa-proiektuaren memoria, araututako ereduari jarraituz (III. eranskina). Memoria horretan material inbentariagarri edo suntsikorrerako eskatutako zenbatekoak dokumentatzeko, gutxienez, bi aurrekontu erabiliko dira, eta bi aurrekontuak ezingo dira izan hornitzaile berberak egindakoak. Material horren aleko prezioak 6.000 eurotik gorakoa izan behar du. Baldintza hori ez bada betetzen, c) idatzi-zatian –balorazio zientifiko-teknikoan– lortutako puntuazioari % 50 kenduko zaio.

b) Ikerketa-taldeko kide bakoitzaren curriculumak, araututako ereduari jarraituz (IV. eranskina).

c) Eskabidea egiten duen zentroa ez bada proiektua gauzatuko duena, zentro eskatzaileak proiektua gauzatuko duen zentroaren legezko ordezkariaren idazkia aurkeztuko du, proiektua gauzatzeko baimena ematen duena. (V. eranskina).

d) Proiektua gauzatuko den zentroko etika-batzordeak emandako baimena, hala badagokio, eta ikerketa-arloko arauak eta hitzarmenak betetzen direla zaintzen duten kide anitzeko beste organo batzuek emandakoa. Edonola ere, dagokion kide anitzeko organoko lehendakaritzak edo idazkaritzak emango du baimen hori, eta, bertan, akordioa adostu zen bileraren aktaren erreferentzia jasoko da.

e) Proiektuak giza jatorriko lagin biologikoak behar baditu, Euskal Biobankuaren ziurtagiria eskatu beharko da, eta horrela jasoko da.

f) I+G-ko zentro pribatuek erakundearen estatutuak aurkeztu beharko dituzte (betiere, aurreko deialdiren batean bidali ez badituzte), eta horietan adieraziko dute zer helburu duten, I+G ekin-tzetan nolako gaitasuna edo jarduerak egiaztatu dituzten, nolako lotura dagoen erakundearen eta ikertzaile nagusiaren artean, eta lotura hori noiz hasi eta noiz bukatuko den.

g) Proiektua gauzatu duen zentroko ikerketa-batzordearen edo pareko figuraren txostena; bertan, ikerketa-proiektua bere osotasunean bideragarria dela adierazi beharko da.

h) Proiektuen ebaluazioari begira, eta ikerketa-proiektuaren emaitzak sektore produktiboan txertatzeko aukera balioeste aldera, hala badagokio, emaitza horietan interesa erakutsi duten enpresek izenpetutako idazkia aurkeztu dezake ikerketa-taldeak. Taldearen eta enpresaren artean lankidetzak akordioak egonez gero, horren kopia ere aurkez daiteke.

a), b) eta c) agirien txantilo normalizatuak honako helbide elektronikoko hauetan eskura daitezke:

Gaztelaniaz:

[http://www.osakidetza.euskadi.net/r85-pkproc01/es/contenidos/ayuda\\_subvencion/proyectos\\_investigacion\\_2014/es\\_def/index.shtml](http://www.osakidetza.euskadi.net/r85-pkproc01/es/contenidos/ayuda_subvencion/proyectos_investigacion_2014/es_def/index.shtml)

Euskaraz:

[http://www.osakidetza.euskadi.net/r85-pkproc01/eu/contenidos/ayuda\\_subvencion/proyectos\\_investigacion\\_2014/eu\\_def/index.shtml](http://www.osakidetza.euskadi.net/r85-pkproc01/eu/contenidos/ayuda_subvencion/proyectos_investigacion_2014/eu_def/index.shtml)

Bestalde, d), e), f), g) eta h) idatzi-zatietan eskatzen diren agiriak paper formatuan bidali ahal izango dira, Osasun Sailaren Ikerketa eta Berrikuntza Sanitarioko Zuzendaritzara zuzenduta (Donostia kalea 1, Gasteiz), edo bestela euskarri elektronikoz helbide hauetako batera: [investigacion-san@ej-gv.es](mailto:investigacion-san@ej-gv.es), [buriarte@ej-gv.es](mailto:buriarte@ej-gv.es) edo [ajausoro@ej-gv.es](mailto:ajausoro@ej-gv.es)

2.– Proiektu koordinatuak direnean, eskabide oso bat egingo da azpiproiektu bakoitzerako. Proiektuaren koordinatzaile gisa jarduten duen ikertzaile nagusiak idazki bat aurkeztu beharko du gainerako agiriekin batera, eta, bertan, egoera horren eta koordinatzen dituen taldeen berri eman beharko du; talde bakoitzaren arduradunak izenpetu beharko du, ados dagoela adierazteko.

11. artikulua.– Eskabideko akatsak zuzentzea.

Diru-laguntzen eskabideetan daturen bat bete gabe utzi bada, edo ez badira aurkeztu eskatutako agiri guztiak, interesdunari hamar eguneko epea emango zaio falta dena osatzeko edo eskatzen diren agiriak eransteko, eta, halaber, jakinaraziko zaio horrela egiten ez badu eskabidean atzera egin duela ulertuko dela; dena den, Administrazioak eskabide horri buruzko berriazko ebazpena eman eta jakinarazi beharko du, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 71.1. eta 42.1. artikuluetan xedatzen denaren arabera.

12. artikulua.– Eskabideak ebaluatzea.

Balioespen-batzordeak ebaluatu eta hautatuko ditu behar bezala aurkeztutako edo, aurreko artikuluan ezarritakoarekin bat, dagokion epean zuzendutako eskabideak. Batzorde hori artikuluko honen lehenengo atalean zehazten da.

1.– Honakoek osatuko dute balioespen-batzordea: Osasun Saileko Ikerketa eta Berrikuntzako zuzendariak, presidente izango denak, eta, kide gisa, Plangintza, Antolamendu eta Ebaluazio Sanitarioko zuzendariak edo horrek eskuordetutakoak, Aseguramendu eta Kontratazio Sanitarioko zuzendariak, Osakidetza-Euskal Osasun Zerbitzua erakunde publikoko Laguntza Sanitarioko zuzendariak edo horrek eskuordetutakoak, Irakaskuntza eta Lanbide Garapeneko Zerbitzuko buruak eta Osasun Saileko I+G laguntzen teknikari arduradunak, idazkari izango denak.

2.– Balioespen-batzordeak honako irizpide hauen arabera balioetsiko ditu proiektuak:

a) Proiektuak zer neurritan egokitzen diren deialdian modalitate honetarako zehaztutako lehen-tasunezko eremu eta lerroetara (I. eranskina): 25 puntu gehienez.

b) Proposamenak Euskal Osasun Sistemarentzat duen interesa: 35 puntu gehienez.

c) Garrantzi zientifikoa eta sozio-sanitarioa, proiektutik espero diren ekarpenak eta helburuen berritasuna eta garrantzia barne hartuta: 25 puntu gehienez.

d) Proiektuaren emaitzak zabaltzeko eta dibulgatzeko plana: 15 puntu gehienez.

60 puntuko gutxieneko puntuaziorik eskuratzen ez duten proiektuak ez dira proiektu finantza-garritzat joko.

3.– Proiektuak ebaluatu aurretik, balioespen-batzordeak kanpo ebaluatzaileen parte-hartzea eskatuko du; ebaluatzaile horiek proiektuen kalitate zientifiko-teknikoari buruzko txostenak egingo dituzte, eta honako alderdi hauek balioetsi eta aztertuko:

a) Ikertzaile nagusiak proiektuan programatutako jarduerak gauzatzeko duen gaitasuna edo dedikazioa, bai eta gainontzeko ikerketa-taldearen tamaina, osaera eta dedikazioa ere: 20 puntu gehienez.

b) Metodologiaren kalitatea: 40 puntu gehienez.

c) Proiekturako eskatutako finantza-baliabideen eta proposatutako helburuen arteko ego-kitzapena, eta proiektua beste erakunde publiko eta pribatu batzuekin batera finantzatu izana egiaztatzea: 15 puntu gehienez.

d) Osasun-sistamarako duen aplikagarritasuna, erabilgarritasuna eta, hala badagokio, ezar-tzeko estrategia: 25 puntu gehienez.

Txosten zientifiko-teknikoan proiektuek 50 puntuko gutxieneko puntuazioa eskuratzen ez badute, balioespen-batzordeak ez ditu finantzatzeko moduko proiektutzat joko.

4.– Haren eginkizuna betetzeko, proiektua erabat ulertzeko beharrezkoak diren agiri osagarriak eskatu ahal izango dizkie batzordeak zentro eskatzaileei, bai eta zentro eskatzaileei proiektuetan zenbait aldaketa egitea iradoki ere, programa honen helburuetara hobeto egokitu daitezen.

13. artikulua.– Kuantifikazio-irizpideak.

1.– Laguntzen zenbatekoa kalkulatzeko, balioespen-batzordeak honako hauek hartuko ditu aintzat: aurkeztutako aurrekontua, deialdia finantzatzeko dauden baliabide ekonomikoak, eta aurkeztutako aurrekontua zer neurritan egokitzen den proposatutako helburuetara. Halaber, batzordeak kontuan hartuko du kanpo ebaluatzaileek txostenean emandako iritzia, eta 8. artiku-luan ezarritakoa aplikatuko du.

Emandako laguntzek eskatutako zenbatekoa osorik edo zati batean estali ahal izango dute, baina, edozein modutan, baterako finantzaketa kontuan hartuz, ezin izango da inolaz ere gainditu diruz lagundutako jardueraren kostu erreala.

2.– Koordinatutako proiektuak direnean, azpiproiektu bakoitza independentetzat hartuko da arti-kulu honen ondorioetarako.

14. artikulua.– Ebazpena, errekurtsioak, ebazteko eta jakinarazteko epea, jakinarazteko modua, publizitate-prozedura eta laguntza onartzea.



1.– Aurkeztutako eskabideak prozedura bakar batean izapidetuko dira, eta Osasun sailburuordeari dagokio, balioespen-batzordearen proposamena kontuan hartuta, prozedura hori ebaztea, zentro eskatzaileek proposatutako gai guztiekin batera.

2.– Ebazpenean erabakiko da agindu honetako diru-laguntzak ematen diren edo ukatzen diren. Ematen badira, honako hauek zehaztuko dira: zentro onuraduna, diruz lagundutako proiektua eta emandako diru-zenbatekoa urtealdietan banakatuta. Ukatu egiten badira, berriz, ukatzeko arrazoiak adieraziko dira.

3.– Aurreko paragrafoan aipatzen den ebazpenak ez dio amaiera ematen administrazio-bideari, eta, horren aurka, zentro interesdunek gora jotzeko errekurtsoa aurkez dezakete Osasun sailburuaren aurrean, hilabeteko epean, ebazpena jakinarazi eta biharamunetik zenbatzen hasita.

4.– Ebazpena Euskal Herriko Agintaritzaren Aldizkarian argitaratuz jakinaraziko da; horretarako epea, gehienez ere, sei hilabetekoa izango da, agindu hau argitaratu eta biharamunetik zenbatzen hasita. Epe hori igaro ondoren ebazpenik argitaratu ez bada, zentro eskatzaileek euren eskabidea ezetsizat jo dezakete, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 44. artikuluan ezarritakoaren ondorioetarako.

5.– Finantzazioa jasoko duten zentroek diru-laguntza emango zaiela dioen idazkia jasoko dute, bai eta onarpen-agiriaren eta laguntzaren datuei buruzko agiriaren bi kopia ere. Onarpen-agiriaren eta laguntzari buruzko datuen agiriaren kopia bana Ikerketa eta Berrikuntza Sanitarioko zuzendariari itzuli beharko zaizkio, jaso eta hamabost eguneko epean, beteta eta zentroaren legezko ordezkariak eta ikertzaile nagusiak izenpetuta.

15. artikulua.– Zentro onuradunen betebeharrak.

Diru-laguntzak jasotzen dituzten zentro onuradunek honako betebeharrak izango dituzte:

1.– Emandako diru-laguntza onartzea. Alde horretatik, ez baditu aurreko artikuluan zehaztutako agiriak Ikerketa eta Berrikuntza Sanitarioko Zuzendaritzara bidaltzen emakidaren jakinarazpena jaso eta hamabost eguneko epean, onuradunak laguntzari uko egiten diola ulertuko da.

2.– Diru-laguntza eman den xede eta kontzeptuetarako erabiltzea.

3.– Kontrol Ekonomikoko Bulegoak eta Herri Kontuen Euskal Epaitegiak haien egitekoak betetzeko deialdi honetako diru-laguntzen inguruan eskatzen dituzten argibideak ematea.

4.– Eskabidea egiteko orduan kontuan hartutako datu edo inguruabarretan edozein aldaketa gertatuz gero, ahal bezain laster jakinaraztea Ikerketa eta Berrikuntza Sanitarioko Zuzendaritzari.

5.– Ikertzaile nagusiak eskabidean adierazitakoaren gainean aldaketaren bat egin nahi badu, aurrez baimena eskatu beharko dio Ikerketa eta Berrikuntza Sanitarioko Zuzendaritzari, eta horretarako arrazoiak eman. Deialdi honen ondorioetarako, laguntza-eskabidean aurreikusitako kontzeptuekiko % 20ko gastu-desbideratzea ez da aldaketatzat jotzen.

16. artikulua.– Laguntzak ordaintzea eta kudeatzea.

1.– Urtebeteko iraupena duten proiektuak.

Esleitutako laguntzaren % 80 berehala transferituko zaie onuradunei, 14.5 artikuluan aipatzen diren agiriak jaso ondoren. Gainerako % 20a, 17. artikuluko 1.a). 1 idatzi-zatian aipatzen den sei hilabeteko memoria zientifikoa aurkeztu ondoren (VI. eranskina).

2.– Urtebetetik gorako iraupena duten proiektuak.

2.1.– Lehenengo urtealdiari dagokion laguntzaren zenbatekoa berehalakoan ordainduko zaie onuradunei. Nolanahi ere, ordainketa jasotzeko, aurretik, 14.5 artikuluan aipatzen diren agiriak behar bezala beteta aurkeztu behar dira.

2.2.– Ikerketa eta Berrikuntza Sanitarioko Zuzendaritzak memoria zientifikoa onartu ondoren eta proiektuak eragindako gastuak agiri bidez (VI. eranskina) justifikatu ondoren ordainduko dira ondorengo urteei dagozkien zenbatekoak; bai memoria, bai agiri bidezko justifikazioa urtero bidaliko dizkio onuradun zentroak Zuzendaritza horri.

3.– Zentro onuradunak ikusiko balu, justifikatutako arrazoiengatik, ezin duela finantzaturiko ikerketa-proiektua burutu, ahalik azkarren jakinarazi beharko dio Ikerketa eta Berrikuntza Sanitarioko Zuzendaritzari, eta proiektuaren garapen zientifikoaren egoerari buruzko txostena eta balantze ekonomikoa ere aurkeztu beharko dizkio.

Ikerketa eta Berrikuntza Sanitarioko Zuzendaritzak, espedientea aztertu ondoren, Osasun sailburuordeari proposatuko dio dagokion laguntzaren kitapena egiteko erabakia har dezala, eta zehatz dezala zer kopuru itzuli behar den, hala egin behar bada.

4.– Ikerketa eta Berrikuntza Sanitarioko Zuzendaritzak, komenigarria dela uste badu, proiektuari jarraipen hobea egiten lagunduko duen informazio osagarria aurkez dezatela eska dezake.

17. artikulua.– Laguntzen justifikazioa.

1.– Laguntzak jaso dituen zentro onuradunak jasotako diru-laguntza zertan gastatu duen justifikatu beharko du, eta, horretarako, honako agiri hauek helarazi beharko dizkio Ikerketa eta Berrikuntza Sanitarioko Zuzendaritzari:

a) Urtebeteko iraupena duten proiektuak.

1.– Proiektua egiten hasi eta sei hilabetera, zentro onuradunak memoria zientifiko bat egin beharko du, VI. eranskinean azaltzen den eskemari jarraituz, eta Ikerketa eta Berrikuntza Sanitarioko Zuzendaritzari bidali beharko dio. Memoria horretan, proiektuaren garapen-egoerari eta lortutako helburu partzialei buruzko deskribapen bat egin beharko da, eta ikertzaile nagusiak izenpetuta aurkeztuko da.

2.– Proiektua egiteko epea amaitu ondorengo hiru hilabeteetan, amaierako memoria zientifiko bat bidaliko du zentro onuradunak –V. eranskineko eredu normalizatuaren arabera egindakoa–, eta, horrekin batera, memoria ekonomikoa bat –laguntza kudeatzen duen erakundearen legezko ordezkariak eta ikertzaile nagusiak izenpetuta– (memoria horien bi kopia bidaliko ditu); halaber, VII. eranskina ere bidaliko du, eta, hor, proiektuaren garapenari buruzko laburpen bat jasoko du, Osasun Sailaren web-orrian argitaratuko dena. Memoria ekonomikorekin batera, proiektuaren garapen-aldian egindako gastuak egiaztatzen dituzten jatorrizko fakturak edo horien kopia konpultsatuak aurkeztuko dira.

b) Urtebetetik gorako iraupena duten proiektuak.

1.– Urteko memoria zientifiko eta ekonomikoa, laguntza onartzeko ebazpenean adierazitako epean, eta VI. eranskinean azaltzen den eskemaren arabera egingo da. Memoria zientifiko horretan, proiektuaren garapen-egoerari eta lortutako helburu partzialei buruzko deskribapen bat egin beharko da, eta ikertzaile nagusiak izenpetuta aurkeztuko da. Memoria ekonomikoa ikertzaile nagusiak eta laguntza kudeatzen duen zentroaren legezko ordezkariak izenpetuko dute, eta, hartan, memoriak hartzen duen aldiari dagokion balantze ekonomikoa egingo da.

2.– Proiektua egiteko epea amaitu ondorengo hiru hilabeteetan, amaierako memoria zientifikoa bidaliko du zentro onuradunak –VI. eranskineko eredu normalizatuaren arabera eginda eta ikertzaile nagusiak izenpetuta–, eta, horrekin batera, memoria ekonomikoa –laguntza kudeatzen duen erakundearen legezko ordezkariak eta ikertzaile nagusiak izenpetuta– (memoria horien bi kopia igorriko ditu); halaber, VII. eranskina ere bidaliko du, eta, hor, proiektuaren garapenari buruzko laburpen bat jasoko du, Osasun Sailaren web orrian argitaratuko dena.

3.– Zentro onuradunek honako hauek erantsiko dizkiete urteko memoriei eta amaierako memoriari: memoriak hartzen duen aldian egindako gastuak egiaztatzen dituzten jatorrizko fakturak edo horien kopia konpultsatuak, aurreko memoriekin aurkeztu ez direnak.

4.– Jarraipen-memorien aldeko balioespena egiteak eta hurrengo urterako laguntza ordaintzeak ez du esan nahi egindako gastuak onartzen direnik, ez eta gastuok aurrekontuei egozten zaizkien ere; izan ere, amaierako memoria ekonomikorekin batera balioetsiko da hori.

5.– Amaierako memoriarekin batera, ikerketaren ondorioz sortu diren argitalpen, tesi, karrera-amaierako proiektu eta kongresuetan eginiko komunikazio guztien kopia bana aurkeztuko da, halakorik izanez gero. Horietan guztietan, eta geroago sor litezkeenetan, berariaz aipatu behar da Osasun Sailak emandako laguntza. Ikerketaren emaitzak ahalik eta erabiltzaile gehienek eza-gut ditzaten, Osasun Sailak finantzaturako proiektuei buruzko artikuluak argitara emango dira, eta horretarako, lehentasuna izango dute sarrera libreko aldizkariak, bai eta argitaratu eta urtebetara eskuratzeko moduan egongo direla bermatzen dutenek ere.

#### 18. artikulua.– Diru-laguntzaren baldintzak aldatzea.

1.– Diru-laguntza ematerakoan kontuan hartutako edozein baldintza aldatzen bada –betiere, laguntzaren xedea betetzen dela ulertzen bada–, eta beste edozein erakunde publiko zein pribatutatik beste diru-laguntzaren bat jasotzen bada aldi berean, laguntzaren zenbatekoa aldatu ahal izango da. Ondorio horietarako, Ikerketa eta Berrikuntza Sanitarioko Zuzendaritzak izango du zenbatekoa murrizteko espedientea hasteko eta izapidetzeko eskumena, eta Osasun sailburuordeak horren gaineko ebazpena ematekoa.

2.– Proiektuaren garapen-prozesuan gastu-motetara bideraturiko zenbateko partzialetan aldatetarik egitea beharrezkoa dela irizten bada –betiere, laguntzaren guztirako zenbatekoa gainditu gabe–, aldez aurretik, proiektuko ikertzaile nagusiak idatziz egin beharko du eskabidea, horretarako arrazoiak emanez, eta zentro onuradunaren legezko arduradunaren oniritziarekin.

Ikerketa eta Berrikuntza Sanitarioko Zuzendaritzari zuzenduko zaio eskabidea.

3.– Proiektuaren amaiera atzeratzen bada –zentro onuradunaren borondatearekin zerikusirik ez duten eta behar bezala justifikatzen diren arrazoiengatik–, eta hasiera batean proiektua garatzeko ezarritako epea bukatu baino lehen idatziz eskatzen bada –zenbateko luzapena eskatzen den zehaztuta–, Osasun Sailak proiektua amaitzeko epea luzatu ahal izango du. Deialdi honen ondorioetarako, 15. artikuluan 5. atalean xedatutakoaren arabera, laguntza-eskabidean aurreikusitako kontzeptuekiko % 20ko gastu-desbideratzea ez da aldaketatzat jotzen.

#### 19. artikulua.– Baldintzak ez betetzea.

1.– Abenduaren 17ko 698/1991 Dekretuan ezarritakoaren arabera (698/1991 Dekretua, Euskal Autonomia Erkidegoko Aurrekontu Orokorren kargura ematen diren diru-laguntzen bermeen eta itzulketaren sistema arautzen duena), onuradunak ez baditu ezarritako baldintzak eta epeak betetzen, edota laguntza beste helburu baterako erabiltzen badu, laguntza eskuratzeko eskubidea galdu eta, hala badagokio, jasotako diru-zenbatekoak eta legezko interesak Euskal Autonomia

Erkidegoko Diruzaintza Nagusiari itzuli behar dizkiola aitortuko da, prozedurazko izapideak egin ondoren, egoki izan daitezkeen gainerako ekintzen kaltetan izan gabe. Aipatutako zenbatekoak diru-sarrera publikotzat joko dira ondorio guztietarako.

Ikerketa eta Berrikuntza Sanitarioko zuzendariak izango du ez-betetzeagatiko espedientea has-teko eta izapidetzeko eskumena, eta Osasun sailburuordeak hori ebaztekoa.

2.– Ez-betetzea dela eta laguntza itzuli behar izanez gero, laguntza jaso duen zentro onuraduna izango da erantzule Osasun Sailaren aurrean.

#### AZKEN XEDAPENETATIK LEHENENGOA

Agindu honek amaiera ematen dio administrazio-bideari; beronen aurka, interesdunek aukerako berraztertze errekurtsoa aurkeztu ahal izango diote Osasun sailburuari, hilabeteko epean, ebaz-pena Euskal Herriko Agintaritzaren Aldizkarian argitaratu eta biharamunetik zenbatzen hasita; edo bestela, zuzenean administrazioarekiko auzi-errekurtsoa jarri ahalko dute, Euskal Autonomia Erki-degoko Auzitegi Nagusiko Administrazioarekiko Auzietako Salan, bi hilabeteko epean, aldizkari ofizialean argitaratu eta biharamunetik aurrera.

#### AZKEN XEDAPENETATIK BIGARRENA

Ebazpen honetan aurrez zehaztu ez den guztirako, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legean ezarritakoa beteko da, urtarrilaren 13ko 4/1999 Legeak emandako idazketa aintzat hartuta, betiere.

#### AZKEN XEDAPENETATIK HIRUGARRENA

Agindu honek Euskal Herriko Agintaritzaren Aldizkarian argitaratu eta hurrengo egunetik aurrera izango du eragina.

Vitoria-Gasteiz, 2014ko uztailaren 29a.

Osasuneko sailburua,  
JON DARPÓN SIERRA.

## I. ERANSKINA

## LEHENTASUNEZKO IKERKETA-EREMUAK ETA –ILDOAK

Oinarrizko ikerketa, klinikoa, epidemiologikoa, eta traslazonala, giza osasunari buruz, honako hauetan:

- a) Nerbio-sistema, gaixotasun neurologiko eta mentalak.
- b) Giza garapena eta zahartzea.
- c) Infekzio-gaixotasunak.
- d) Minbizia.
- e) Gaixotasun kardiobaskularrak.
- f) Diabetesa, obesitatea eta gaixotasun endokrinoak.
- g) Gaixotasun arraroak.
- h) Arnasbideetako gaixotasunak.
- i) Ibiltze-aparatuko eta ehun konektiboko gaixotasunak.
- j) Gaixotasun hepatikoak eta digestiboak.
- k) Gaixotasun kronikoak eta inflamatorioak.
- l) Giltzurruneko gaixotasunak.
- m) Ugalketa-osasuna, pediatria eta jaiotza-inguruko medikuntza.
- n) Epidemiologia, osasun publikoa eta osasun okupazionala.

Osasunerako eta osasun-zerbitzuetarako teknologien ikerketa:

- a) Osasun-zerbitzuen ebaluazioa.
- b) Esku-hartzeen eraginkortasuna.
- c) Telemedikuntza, e-health eta informazio-sistemak.
- d) Kalitatea.
- e) Pazientearen segurtasuna.

## II. ERANSKINA



## IKERKETA PROIEKTUETARAKO LAGUNTZEN ESKABIDE ORRIA

	Gizakion osasunari buruzko oinarrizko ikerketa, ikerketa klinikoak, epidemiologikoak eta traslazonala
	Osasunerako eta osasun-zerbitzuetarako teknologien ikerketa

## IKERTZAILE NAGUSIA

Abizenak		Izena	
NAN			

## ESKATZAILEA

Erakunde eskatzailea					
Gauzatu duen zentroa					
Saila/Zerb					
Entitatearen helbidea					
Herria		Probintzia		PK	
				@	

## IKERKETA PROIEKTUA

Titulua					
Ikertzaile kop. Guztira		Zentro laguntzaile kop. Guztira		Iraupena	Urteak
AURREKONTUA, GUZTIRA				€	

**AURREKONTU BANAKATUA**

	1. urtea	2. urtea	3. urtea	Guztira
<b>Langileak</b>	€	€	€	€
<b>Ondasun eta zerbitzuak</b>	€	€	€	€
<b>Bestelako gastuak</b>	€	€	€	€
<b>Guztira</b>	€	€	€	€

**Sin.: Ikertzaile nagusia****Sin.: Zentro eskatzailearen legezko  
ordezkaria**

<b>Ikertzaile Kop. guztira:</b>	
---------------------------------	--

**IKERKETA TALDEA**

<b>NAN</b>		<b>Sinadura</b>
<b>Izena</b>		
<b>Zentroa</b>		
<b>Titulazioa</b>		
<b>Espezialitatea</b>		
<b>NAN</b>		<b>Sinadura</b>
<b>Izena</b>		
<b>Zentroa</b>		
<b>Titulazioa</b>		
<b>Espezialitatea</b>		
<b>NAN</b>		<b>Sinadura</b>
<b>Izena</b>		
<b>Zentroa</b>		
<b>Titulazioa</b>		
<b>Espezialitatea</b>		

Data eta tokia

**Sin.: Ikertzaile Nagusia**



2014ko abuztuaren 25a, astelehena

Zentroaren legezko ordezkari gisa adierazten dut zentroa ez dagoela Euskal Autonomia Erkidegoko Administrazio Orokorraren diru-laguntzak jasotzea eragozten duen inolako legezko kausa edo prozeduratan sartuta

Sin.: Zentroaren legezko ordezkaria

Ikerketa eta Berrikuntza Sanitarioko Zuzendaria

Datu Pertsonalak Babesteari buruzko abenduaren 13ko 15/1999 Lege Organikoa betez, jakinarazten zaizu inprimaki honetan jarri dituzun datu pertsonalak "Ikerketa, ebaluazio sanitarioa eta garapen profesionala" izeneko fitxategian sartuko direla. Eusko Jaurlaritzaren Osasun Sailaren Ikerketa eta Berrikuntza Sanitarioko Zuzendaritzaren ardurapean dago fitxategi hori.

Fitxategiaren helburua honako hau da: Osasun Sailak deituriko irakaskuntza, prestakuntza eta ikerketarako laguntza-eskabideen eta segimenduaren gestioa, baita gizabanakoen ibilbide zientifikoaren eta entitateen prestakuntza-jardueren segimenduaren gestioa ere. Gainera, etengabeko prestakuntza kreditatzeko eta ikerketa-arlo eta -ildoak kudeatzeko ere erabiltzen da.

Nahi izanez gero, datuak eskuratu, zuzendu, deuseztatu edo aurkatzeko eskubidea balia dezakezu. Horretarako, idazki bat bidali beharko duzu Eusko Jaurlaritzaren Osasun Sailaren Ikerketa eta Berrikuntza Sanitarioko Zuzendaritzara (Donostia Kalea 1, 01010 Vitoria-Gasteiz).

Eskabidea egin ez duen pertsona fisikoren baten datuak jarri behar izanez badituzu, jarri aurretik aurreko paragrafoan adierazitakoaren berri eman beharko diozu.

Ikerketa eta Berrikuntza Sanitarioko Zuzendaria

## III. ERANSKINA

## IKERKETA PROIEKTUAREN ESKABIDEAREN MEMORIA

<b>Titulua</b>						
<b>Ikertzaile Nagusia</b>						
<b>Iraupena</b>	<b>Urte 1</b>		<b>2 urte</b>		<b>3 urte</b>	
<b>LABURPENA: (Proiektuaren helburuak eta metodologia)</b>					<b>Gehienez 250 hitz</b>	
<b>Title :</b>						
<b>Summary (Objectives and methodology)</b>						

Ikerketa Proiektuaren eskabidearen Memoria: Titulua eta Laburpena

**IKERKETA PROIEKTUAREN ESKABIDEAREN MEMORIA****Gaiaren aurrekariak eta oraingo egoera****(Gehienez 3 orrialde)**

**IKERKETA PROIEKTUAREN ESKABIDEAREN MEMORIA****Bibliografia aipagarriena**

(Gehenez orrialde 1)

**IKERKETA PROIEKTUAREN ESKABIDEAREN MEMORIA****Hipotesia****Helburuak****Ikerketa Proiektuaren eskabidearen Memoria: Hipotesia eta helburuak**

**IKERKETA PROIEKTUAREN ESKABIDEAREN MEMORIA****Metodologia (diseinua, aztergaiak, aldagaiak, datuen analisia eta ikerketaren mugak)****(Gehienez 3 orrialde )****Ikerketa Proiektuaren eskabidearen Memoria: Metodologia**

**IKERKETA PROIEKTUAREN ESKABIDEAREN MEMORIA**

**Lanerako plana (Garapen-etapak, ikerketa-taldeko kide guztien eginkizun banaketa eta proiekturako dedikazioa, kide bakoitzak parte hartzen duen proiektu guztiak aipatuz. Adierazi, halaber, jarduerak zein zentrotan garatuko diren)**

(Gehienez 2 orrialde)



**IKERKETA PROIEKTUAREN ESKABIDEAREN MEMORIA****Ikerketa-taldeak gaian duen esperientzia**

(Gehienez orrialde 1 )

**Ikerketa Proiektuaren eskabidearen Memoria: Ikerketa-taldeak gaian duen esperientzia**

**IKERKETA PROIEKTUAREN ESKABIDEAREN MEMORIA**

**Osasunari begira, datuak erabilgarriak diren ala ez  
Patenteek eta beste emaitza batzuek merkaturatzeko duten aukera  
Ahalmen-prozesua deskribatzea, ezartzea eta, hala badagokio proiektua orokortzeko aukera.**

**Proiektua burutzeko eskura dauden baliabideak**

**Ikerketa Proiektuaren eskabidearen Memoria: Emaitzen erabilgarritasun praktikoa/ Eskura dauden baliabideak**

**IKERKETA PROIEKTUAREN ESKABIDEAREN MEMORIA**

**Eskatutako laguntzaren kontzeptuak justifikatzea, baita, hala badagokio, ikertzailearen ordeztearen ere, identifikatuta. (Deialdiaren 8. artikulua)**

**Ikerketa Proiektuaren eskabidearen Memoria: Eskatutako laguntzaren justifikazio zehaztua**

## IKERKETA PROIEKTUAREN ESKABIDEAREN MEMORIA

<b>ESKATUTAKO AURREKONTUA (Urteka banakatuta)</b>	
<b>Langileak</b>	<b>Kopurua</b> €
<b>GUZTIZKO PARTZIALA</b>	
<b>Ondasunak eskuratzea eta zerbitzuak kontratatzea</b>	<b>Kopurua</b> €
<b>GUZTIZKO PARTZIALA</b>	€
<b>Beste zenbait gastu</b>	€
<b>GUZTIZKO PARTZIALA</b>	€
<b>ESKATUTAKO LAGUNTZA, GUZTIRA</b>	€

Ikerketa Proiektuaren eskabidearen Memoria: Eskatutako aurrekontua

## IV. ERANSKINA

## IKERKETA PROIEKTUETARAKO CURRICULUM VITAE ARAUTUA

<b>Abizenak</b>		<b>Izena</b>	
<b>NAN</b>		<b>Jaioteguna</b>	/ / uuuu/hh/ee
<b>Helbide partikularra</b>			
<b>Hiria</b>		<b>PK</b>	
		<b>@</b>	
<b>Prestakuntza akademikoa</b>			
<b>Lizentziatura</b>			
<b>Zentroa</b>			
<b>Data</b>	/ /	uuuu/hh/ee	<b>Data</b> / / uuuu/hh/ee
<b>Doktoregoa</b>			
<b>Zentroa</b>			
<b>Data</b>	/ /	uuuu/hh/ee	<b>Data</b> / / uuuu/hh/ee
<b>Egungo lanbide egoera</b>			
	<b>Kontratua</b>		
	<b>Plantilla</b>	<b>Lanaldi osoko dedikazioa</b>	
	<b>Bitartekoa</b>		
	<b>Bekaduna</b>	<b>Dedikazio partziala</b>	
	<b>Bestelakoak</b>		
<b>Erakundea</b>			
<b>Zentroa/Fakultatea/Eskola/Instituta</b>			
<b>Dept./sez./unitate estr.</b>			
<b>Helbidea</b>			
			

<b>Aurretiatzko jarduera zientifiko edo profesionalak</b>		
<b>Data</b>	/ /	uuuu/hh/ee
<b>Postua</b>		
<b>Erakundea</b>		
<b>Data</b>	/ /	uuuu/hh/ee
<b>Postua</b>		
<b>Erakundea</b>		
<b>Data</b>	/ /	uuuu/hh/ee
<b>Postua</b>		
<b>Erakundea</b>		
<b>Betetze data</b>	/ /	<b>Sinadura</b>

**Curriculum Vitae Arautua: datu pertsonalak**

## IKERKETA PROIEKTUETARAKO CURRICULUM VITAE ARAUTUA

<b>Izena</b>		
<b>Azken sei urteotan pareka ebaluatutako argitalpenen aukeraketa, Kronologikoki (argitaratutakoak soilik adierazi. Ez sartu argitalpenen laburpenak, ezta Kongresuetako ponentziak ere)</b>		
<b>Egileak (sinaduren ordenaren arabera)</b>		
<b>Titulua</b>		
<b>Aldizkaria</b>		
<b>Argitalpen data</b>	/ /	uuuu/hh/ee

Curriculum Vitae Arautua: argitalpenak

**IKERKETA PROIEKTUETARAKO CURRICULUM VITAE ARAUTUA**

<b>Izena</b>	
<b>Ikerketa proiektuak</b> (Agentzia publiko edo pribatuek finantziaturik, azken sei urteotan parte hartutako ikerketa-proiektuen –bukatua edo abian direnak- zerrenda. Adierazi labur-labur proiektuaren helburu nagusiak eta zure eginkizuna: ikertzaile nagusia, laguntzailea, eta abar)	

**Curriculum Vitae Arautua: proiektuak**



## IKERKETA PROIEKTUETARAKO CURRICULUM VITAE ARAUTUA

<b>Izena</b>	
<b>Patenteak eta erabilgarritasun modeloak (Esplotazioan daudenak)</b>	
<b>Egileak (sinaduren ordenaren arabera)</b>	
<b>Titulua</b>	
<b>Erregistro zk.</b>	
<b>Erakunde titularra</b>	
<b>Herrialdiak</b>	

Curriculum Vitae Arautua: patenteak

## V. ERANSKINA

Jaunak/andreak, Zentroaren legezko ordezkari gisa, jakin badaki Eusko Jaurlaritzaren Osasun Sailaren Osasun-arloko Ikerketa Proiektuetarako 2014ko deialdira honako proiektu hau aurkeztu dela: eta proiektuaren ikertzaile nagusia jauna/andrea dela; hori guztia kontuan izanik, honako hau

### ADIERATEN DU


Adierazitako deialdian proiektu horri diru-laguntza emanez gero, ordezkatzeko duen Zentroan gauzatzeko baimena ematen duela

Tokia eta data

Sin.: Zentroaren legezko ordezkaria

## VI. ERANSKINA

## IKERKETA PROIEKTUAREN MEMORIA ZIENTIFIKOA ETA EKONOMIKOA

Sei hilean behingoa	Urtekoa	Amaierakoa	(1)
Espediente Zk		Emandako zenbatekoa	€
Titulua			
Hitz nagusiak			
Ikertzaile nagusia			
Erakundea			
Helbidea			
			
<b>Laburpena (helburua, diseinua, azterketa-eremua; aztergaia, instrumentalizazioa, emaitzak, ondorioak)</b>			
<b>Title</b>			
<b>Keywords</b>			
<b>Summary (study objective, design, setting, patients, interventions, results, conclusions)</b>			

(1) Markatu dagokiona

Ikerketa-proiektuaren memoria zientifikoa eta ekonomikoa

**Ikerketaren ondorioz argitaratutako artikulua (1) (bakoitzaren separata bat aurkeztu behar da)**

(1) Aipatu aipamen gisa eta erabili Index Medicus-ak erabiltzen duen aldizkarien laburdura

**Ikerketa-proiektuaren memoria zientifikoa eta ekonomikoa**

**Aldaketak, metodologiari eta proiektatutako lan-planari dagozkienak**

**Ikerketa-proiektuaren memoria zientifikoa eta ekonomikoa**

**Ezarritako helburuak (transkribatu jatorrizko proiektuarenak)****Ikerketa-proiektuaren memoria zientifikoa eta ekonomikoa**

**Lortutako helburu zehatzak (ordenatu ezarritako helburuen arabera)**

**Ikerketa-proiektuaren memoria zientifikoa eta ekonomikoa**

<b>Emitzen aplikagarritasuna eta erabilgarritasun praktikoa osasunaren arloan</b> <b>Hala badagokio, ezartze-prozesuaren deskribapena</b>
<b>Proiektuaren ondorio diren patenteak edo bestelako emaitza komertzialki erabilgarriak</b>
<b>Jakinarazi nahi diren bestelakoak</b>

**Tokia eta data**

**Sin.: Ikertzaile Nagusia**



<b>Memoria ekonomikoa</b>	
<b>Espediente zk.</b>	
<b>Ikertzaile nagusia</b>	

	<b>Emandakoa</b>	<b>Erabilia</b>
<b>Langileak</b>	€	€
<b>Guztizko partziala</b>	€	€
	<b>Emandakoa</b>	<b>Erabilia</b>
<b>Ondasunak eskuratzea eta zerbitzuak kontratatzea.</b>	€	€
<b>Guztizko partziala</b>	€	€

	<b>Emandakoa</b>	<b>Erabilia</b>
<b>Bidaiak eta dietak</b>	€	€
<b>Guztizko partziala</b>	€	E
<b>Guztira</b>	€	€

Tokia eta data

Sin.: Zentro onuradunaren Ikertzaile nagusia

Sin.: Legezko ordezkaria

(Proiektu koordinatuetan bete orri hau azpipiektu bakoitzerako)